




შპს „საზღვაო სასწავლო საწვრთნელი ცენტრი ეკვატორი“
„Maritime Teaching Training Centre Equator“, LTD

„ვამტკიცებ“

პს „სსსც ეკვატორის“ დირექტორი

_____ ა.მგელაძე

დამტკიცებულია კოლეჯის დირექტორის
2022 წლის 26 დეკემბრის N 00012964 ბრძანებით



შპს საზღვაო სასწავლო საწვრთნელი ცენტრი ეკვატორში
საკვალიფიკაციო გამოცდის ჩატარების წესი
ნდ №2-03-09 ქ



შპს პროფესიულ კოლეჯში „საზღვაო სასწავლო საწვრთნელი ცენტრი ეკვატორი“ საკვალიფიკაციო
გამოცდის ჩატარების წესი

1. შპს პროფესიულ კოლეჯში „საზღვაო სასწავლო საწვრთნელი ცენტრი ეკვატორი“ (შემდგომში - „კოლეჯი“) საკვალიფიკაციო გამოცდის წესი (შემდგომში - „წესი“) შემუშავებულია „პროფესიული განათლების შესახებ“ საქართველოს კანონის, „პროფესიული საგანმანათლებლო პროგრამის/მოკლე ციკლის საგანმანათლებლო პროგრამის/პროფესიული მომზადების პროგრამის/პროფესიული გადამზადების პროგრამის სამუშაოზე დაფუძნებული სწავლების ფორმით განხორციელების წესისა და პირობების დამტკიცების შესახებ“ საქართველოს მთავრობის 2022 წლის 9 აგვისტოს N416 დადგენილების, კოლეჯის წესდებისა და სხვა საკანონმდებლო და კანონქვემდებარე ნორმატიული აქტების შესაბამისად.

2. საკვალიფიკაციო გამოცდაზე დაშვების წინაპირობაა პროგრამით გათვალისწინებული ყველა სწავლის შედეგის დადასტურება და შუალედურ შეფასებაში მონაწილეობა.

3. პროფესიული სტუდენტისთვის კვალიფიკაციის მინიჭების აუცილებელი პირობაა საკვალიფიკაციო გამოცდის ჩაბარება, რომლის მიზანია პროფესიული სტუდენტის მიერ მიღწეული სწავლის შედეგების პროფესიული მოვალეობებისა და ამოცანების შესრულების პროცესში კომპლექსურად გამოყენების უნარის შეფასება.

4. საკვალიფიკაციო გამოცდა ტარდება პროგრამის დასრულებიდან არაუგვიანეს ერთი თვისა.

5. საკვალიფიკაციო გამოცდის თარიღი და ფორმატი განისაზღვრება კონკრეტული ჯგუფისათვის დირექტორის ინდივიდუალურ ადმინისტრაციულ სამართლებრივი აქტით განსაზღვრული პასუხისმგებელი პირის წარდგინებით არაუგვიანეს საკვალიფიკაციო გამოცდის ჩატარებამდე ორი კვირით ადრე.

6. პროფესიული სტუდენტის ინფორმირება საკვალიფიკაციო გამოცდის თარიღისა და ფორმატის შესახებ ხორციელდება ტელეფონის ან/და ელექტრონული ფოსტის საშუალებით დირექტორის მიერ ინდივიდუალურ ადმინისტრაციულ სამართლებრივი აქტის გამოცემიდან არაუგვიანეს ერთი კვირისა.

7. საკვალიფიკაციო გამოცდის თემატიკა არ უნდა გასცდეს სტუდენტის მიერ მიღწეულ სწავლის შედეგებს;

8. პროგრამის სპეციფიკის გათვალისწინებით, საკვალიფიკაციო გამოცდის მიზნებისათვის შესაძლებელია გამოყენებულ იქნას:

- თეორიული გამოცდა;
- პრაქტიკული უნარების დემონსტრირება;



- პროექტის პრეზენტაცია;
- სიტუაციის განხილვა და ანალიზი;
- სხვა რელევანტური მეთოდები ან მათი კომბინაცია.

9. საკვალიფიკაციო გამოცდის მიზნით გამოყენებული ინსტრუმენტი ექვემდებარება ვალიდაციას საკვალიფიკაციო საგამოცდო კომისიის (შემდგომში - „კომისია“) ჩართულობით.

10. პროფესიული სტუდენტის მიერ საკვალიფიკაციო გამოცდის დროს შექმნილი მტკიცებულება ინახება კოლეჯში პროფესიული სტუდენტისათვის კვალიფიკაციის მინიჭებიდან სამი წლის განმავლობაში.

11. კომისიის შემადგენლობა, კომისიის თავმჯდომარე და მდივანი განისაზღვრება დირექტორის ბრძანებით.

12. კომისია უნდა შედგებოდეს სულ მცირე სამი წევრისაგან, მასში უმეტესობას უნდა ქმნიდეს ის პირები, ვინც არ ღებულობდა მონაწილეობას შესაფასებელი სწავლის შედეგების მიღწევის პროცესში.

13. კომისიის წევრი უნდა იყოს დარგის წარმომადგენელი.

14. კომისიაში სავალდებულო წესით უნდა მონაწილეობდეს დარგის შესაბამისი სფეროს წარმომადგენელი, რომელიც არ არის კოლეჯის წარმომადგენელი;

15. კომისიის კომპეტენციაა საკვალიფიკაციო გამოცდის დადებითი შედეგების საფუძველზე შუამდგომლობით მიმართოს დირექტორს სტუდენტისათვის კვალიფიკაციის მინიჭების მიზანშეწონილობის თაობაზე.

16. კომისია უფლებამოსილია, თუ მას ესწრება კომისიის სიითი შემადგენლობის უმრავლესობა.

17. კომისია გადაწყვეტილებას იღებს დამსწრე წევრთა უმრავლესობით.

18. კომისიის თავმჯდომარის ან მდივნის არყოფნის შემთხვევაში, დანარჩენი წევრები ირჩევენ სხდომის თავმჯდომარეს და მდივანს.

19. ხმების თანაბრად განაწილების შემთხვევაში გადამწყვეტია სხდომის თავმჯდომარის ხმა.

20. კომისიის გადაწყვეტილება ფორმდება სხდომის ოქმის სახით, რომელსაც ხელს აწერს სხდომის თავმჯდომარე და სხდომის მდივანი.

21. კომისიის წევრი უფლებამოსილია საკუთარი განსხვავებული პოზიცია, ასეთის არსებობის შემთხვევაში, წერილობით დაურთოს ოქმს.

22. კომისიის მუშაობის ის პროცედურები, რომლებიც არ არის გათვალისწინებული წინამდებარე წესით, შესაძლებელია დადგინდეს უშუალოდ კომისიის მიერ.



23. კომისიის მუშაობის ადმინისტრაციულ მხარდაჭერას უზრუნველყოფს კოლეჯის სასწავლო პროცესის მენეჯერი.
24. კომისიის გადაწყვეტილება პროფესიულ სტუდენტს ეცნობება გადაწყვეტილების მიღებიდან არაუგვიანეს სამი სამუშაო დღისა ტელეფონის ან/და ელექტრონული ფოსტის საშუალებით.
25. ინფორმაციის მიღებიდან 5 სამუშაო დღის ვადაში პროფესიულ სტუდენტს უფლება აქვს წერილობით გაასაჩივროს კომისიის გადაწყვეტილება.
26. საჩივრის განხილვას უზრუნველყოს დირექტორის ბრძანებით დამტკიცებული სააპელაციო კომისია.
27. სააპელაციო კომისია უფლებამოსილია განიხილოს პროფესიული სტუდენტის საჩივარი და მიიღოს ერთერთი გადაწყვეტილება:
- ა) კომისიის გადაწყვეტილების ძალაში დატოვების შესახებ;
 - ბ) საკითხის კომისიისათვის განსახილველად დაბრუნების შესახებ.
28. კვლიეფიკაციის მინიჭების შესახებ საბოლოო გადაწყვეტილება მიღებულ უნდა იქნას საჩივრის შემოტანიდან ერთი თვის ვადაში.
29. საკვალიფიკაციო გამოცდაზე არგამოცხადების ან კომისიის უარყოფითი გადაწყვეტილების შემთხვევაში პროფესიული სტუდენტი უფლებამოსილია წინამდებარე რეგულაციით დადგენილი პირობებითა და წესით გავიდეს განმეორებით საკვალიფიკაციო გამოცდაზე.
30. განმეორებითი საკვალიფიკაციო გამოცდის ვადები განისაზღვრება კოლეჯის დირექტორის ინდივიდუალურ ადმინისტრაციულ სამართლებრივი აქტით პასუხისმგებელი პირის წარდგინებით, წინამდებარე რეგულაციით დადგენილ ვადებში და წესით.
31. განმეორებით საკვალიფიკაციო გამოცდაზე არასაპატიო მიზეზით გამოუცხადებლობა ან კომისიის უარყოფითი გადაწყვეტილება წარმოადგენს პროფესიული სტუდენტისათვის სტატუსის შეჩერების საფუძველს.
32. წინამდებარე წესი ამოქმედდეს 2023 წლის 1 იანვრიდან.